

Addhuwân Pal-kapalan Dhâlubâng (Sumenep)

Anggidhân S. Herianto

(Bâca'an kaangghuy kellas empa' SD)

Pareppa'na arè Sennin,

Ahmad bân kancana lebur agâbây pal-kapalan.

Bâktona laot, Ahmad bân kancana iyyâ arèya Patima, Nurul, Rudi, Agus, Saipul, Joni, bân Tayyib lèbur kèya agâbây pal-kapalan dhâlubâng.

Bâriyâ kèya bila baktona mole, jan bânnya' agâbây pal-kapalan. Kellas rombu pole kalabân dhâlubâng.

Taneyanna sakola'an rombu kèya kalabân pal-kapalan dhâlubâng.
Ahmad elaporagi moso Pak Kebunna sakola'an ka Pak Guru Badrul.

Ca'na Pak Kebun sèlako marombu tanèyan, na'- kana' lakè', pandâ' obu'na lècèn
bân biasa ngangguy songko'. Pastè Ahmad, sowara atèna Pak Guru Badrul.

Ahmad èlaporagi kèya so guru laènna ka Pak Guru Badrul.
Bu Sitti, Bu Mina, Pak Pa'ong se alapor ka Pak Guru Badrul.

Pak Guru Badrul aromasa nemmo cara, pas ngomommagi dâ' na' kana' jhâ' bakal baḍâ lomba Addhuwân pal-kapalan dhâlubâng.

Semangabber pal-kapalan paleng jau bakal èbherri' hadiah. Na'-kana' paḍâ perak. Hore! Kellas empa' agâriung.

Agâbây pal-kapalan dhâlubâng lèbur bân masenneng atè. Sambi agâbây bân amaèn pal-kapalan, sambì ajhâr hal garis, sudut bân segitiga.

Agâbây pal-kapalan, na'-kana' olle bânnya' èlmo. Sè palèng otama, na'-kana' senneng ajhâr e dâlem amaènna.

Bâktona addhuwân pal-kapalan dhâlubâng sè kapèng sèttong gâbâyânnâ ɖibi'.
Saallana marè ekagâbây, pas addhuwân è tanèyan sakola'an Ahmad sèngatowaè.

Hasèlla taɖâ' sè pas jhau. Taɖâ' sè pas lomok. Na'-kana' kocèba. Tanèyan
sakola'an rombu polè.

Addhuwân pal-kapalan sè kapèng ɖuwa', Pak Guru Badrul abherri' rahasiana maollè pal-kapalan sè èkagâbây lomok ngabbherrâ. Pal-kapalanna bisa noccer lebbi jau.

Pak Guru Badrul nyoro sabâgiyân na'-kana' makalowar hapèna. Na'-kana' èsoro mokka' youtube kalabân kata kunci: carana agâbây pal-kapalan dhâlubâng sè lomok.

Arèya youtube sè ètèngghu Ahmad bâñ ca-kancana sèlèbur agâbây pal-kapalan. Mon terro nèngghuwâ, pindai kode batang rèya ngangghuy aplikasi pemindai kode batang. (*Mènta tolong ka guruna mon ta' ngartè ka caranya mindai ya*).



Molaè agâbây pal-kapalan đâri milè dhâlubâng sampè' ka cara aleppèd
dhâlubâng ban cara negghu'na.

Patima nyoba' carana negghu' bân nyotho' mangabber pal-kapalanna paḍâna sè èbalai Ahmad.

Saipul bân Tayyib bagiyan nyarè jalanna angèn. Minorot Saipul angèn aghili ḍâ' Mor Lao', tapè ca'na Tayyib angènna ka Lao'.

Kalabân jalanna angèn sè èkaolle Saipul bân Tayyib, Patima nyoba' nyothok pal-kapalanna ka Mor Lao'. Patima nyoba' kèya mangabber pal-kapalanna juju' ka Lao'. Sè tèppa' ghilina angèn iya arèya ollèna Tayyib. Pal-kapalan sè palèng jau, palèng lomok, sè ka Lao'.

Agâbây pal-kapalan ngangghuy cara sè kapeng ɖuwâ' sukses. Hasèlla cè' lomogghâ bân cè' jâuna.

Bâddhiyânna bâɖâ bhidhâna hasèlla mon maca ghilina angèn, potossa Ahmad. Bâriyâ kèya moso negghu'na pal-kapalan bakto èsotho'. Ta' bân sarombân.

Horè! Na'-kana' cè' pèraggâ.

Pak Guru Badrul pas ngajhâg na'-kana' ka tanèyan. Baktona addhuwân mangabber pal-kapalanna sè kapèng òuwâ'. Sèngatur acara addhuwân pagghun Ahmad.

Ahmad ngolok nyamana kanca sakellassa ghân lalèma'. Ghân lalèma' maju abhâris bân masiyap pal-kapalanna è tanang.

Sa'allana siap kabbhi, Ahmad pas molaè mitong: sèttong, ɖuwâ', coool! Rampa pal-kapalan pas èpangabbher. Noccer, lomok kabbhi.

Sè pal-kapalanna palèng jau bân lomok, iyyâ arèya ghâbâyânna bân anđi'na Ahmad, Tayyib, bân Patima. Sèkatello ca'-lonca'an amarghâ ghumbira.

Ahmad, Tayyib, bân Patimah èolok so Pak Guru Badrul ka ađâ'na kellas manjeng abhâris. Sè katello ollè hadiah bâng-sèbângnga sèttong buku carèta. Na'-kana' acerrèng cè' pèragghâ.

Marèna neng-sennengan kalabân addhuwân, Pak Guru Badrul nyoro na'-kana' abersè'è rombuna pal-kapalan dhâlubâng. Sè pal-kapalanna gi' èkaparlo èsoro èparèngkes èpamaso' ka dâlem bângku.

Pal-kapalan sè la rosak, èsoro buwang ka kennenganna sarpa. Tanèyan bersè. Pak Guru Badrul pas nyoro na'-kana' abâli ka kellas. Kabbhi la paḍâ toju'.

È akhèr molang, Pak Guru Badrul atanya ka na'-kana' morèd. Sè ètanya'agi iyyâ arèya: apa na'-kana' senneng? Tanto, na'-kana' rampa' padhâ nyaot: "Senneng Pak Guru!"

Salaèn senneng na'-kana' ollè èlmo agâbây pal-kapalan sè lomok. Na'-kana' nemmo garis, sudut, ban segitiga. Na'-kana' bhâjheng asè-bhersè.

Kellas pas ètotop kalabân ɖu'a.

Bâktona na'-kana' morèd molè, ta' loppa pal-kapalan sè è dâlem bângkuna na'-kana' èkèbâ. Kellas kodhu bersè dâri bu-rombu.

Pal-kapalan sè èkèbâ pas èkamain è jhâlan sambi molè ka bengkona bâng-sebâng. Kabbhi paḍâ senneng.

Pal-kapalan sè èkagâbây Ahmad, Tayyib, bân Patima è bâng-sèbângnga paḍâ ènyamai. Bâḍâ sè èghâmbhâri *èmoticon smile*.

È parjhâlânan molè, pal-kapalanna sè katello èbalap. Sèmennang paggun kapalla sè Ahmad. Ahmad, Tayyib, bân Patima salèng mojhi salamet. Sè katello pas apèsa molè ka bengkona bâng-sèbâng.